

三命指迷赋

岳珂

文硕阁

wenshuoge.com

目录

关于我们 3

提要 5

三命指迷赋 6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

三命指迷赋一卷 术数类五【命书相书之属臣】等谨案三命指迷赋一卷旧本题宋岳珂补注珂所着有九经三传沿革例魏郊録程史金陀粹编宝真斋法书赞玉楮集诸书而不闻其有是书宋史艺文志亦不着録惟程史中有珂与瞽者杨长论韩侂胄禄命及论幕官袁韶禄命一条其説颇详则珂亦颇讲是事或术家因而依托欤自元明以来诸家命书多引其文以此本检勘并相符合知犹宋人所为也文渊阁书目载是书一部一册叶盛菴竹堂书目亦有是书一册是明初其书尚存今则久无单帙行世惟永乐大典所録尚首尾完具谨采掇厘订编为一卷附之术数类中以备参考而岳珂之名则削除不载焉书中所论大抵专主子平于夹马夹禄拱库拱贵辩论详尽往往为他家所未发而拱库一条尤称精晰其他文义通达亦多有可取惟专以月建及胎元为推测之本则不为定论蓋月建是行运所主要必常以日时参之人生十月而产固为常期然气禀不齐亦有逾期不及期者若悉以十月为限则刻舟求剑未免转失之支离是又在学者之决择矣乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

三命指迷赋

一气肇判兮两仪定位【一气肇判者大易未判万象同体一气之运伸于东南屈于西北此物理之自然也故名无极太极混沌之始然一气既判始生两仪也两仪定位者清气为天浊气为地则上有日月星辰下有金木水火土济于有用乾坤本一而位二为清浊之别包括四象为五行以尽天地之数备万物之成终也消息赋云元一气兮先天稟清浊兮自然又云息一气而凝神消五行而通道采真歌云两仪清浊气氤氲阴阳不测以为神往来不穷之谓道稟其秀者是为人类鬼谷子云二仪分列各包四象之形乾坤音土遂作五行之用又云三才有阴阳之天地五行运物化之人伦又云分二仪以求胜负顺四序以定休囚造微赋云两仪既定二曜文明】五行周流兮万物从类【五行周流者盖先有天后有地然后有人是知五行造化取用多门须均配以为佳用济功而为上推天地日星之行藏人命之贵贱矣万物从类者盖其文为草木其富为百谷载万物而不慑生万物而无穷此土地生物之德也盖五行生乎土死乎土矣采真歌云自从河洛立秘发始悟剩除消长法牢笼八字定平生果应五行前定诀理愚歌云寻取五行休旺位决然定数无猜疑唐沈芝云五行无冲多贵寿造微赋云五行知其消息三元定其富贵混元赋云五行有气而为贵格采真歌云阳一嘘兮万物生阴一吸兮万物死当时则贵后时贫人物荣悴皆由此烛神经云水者所以产万物火者成万物李虚中云包括三才指陈万物】其丽乎天地为星为辰【丽天星辰者总而为七政散而为五行其光为日月其文为星辰其泽为雨露其威为雷霆辰集于房月湛而明日遄而化此天之道也而太初七明防于牵牛天汉元年五星聚于东井在天垂象列五星为文为五行在地为五岳在人为五脏推而行之则为五常常有可从之道则乘乎仁义者易曰立天之道曰阴与阳立地之道曰柔与刚立人之道曰仁与义盖人之道非仁与义则不能立也然其人命皆由天星之所主也理愚歌云上配五星如见日终身爵禄殊光荣烛神经云日月星辰各循其数四时五行顺其则也珞瑜子云鬼谷播其九命约以星观壶中子云七政上见布五行于六合之间兰台妙选赋云五星七曜拱揖轻清者博士翰林重浊者仕之武业又云五星朝北虚斗宿各耀搢绅】其为乎人也五常五事在物之灵惟人为贵【人之五常者仁义礼智信也扬子云道以道之德以德之仁以仁之义以义之礼以礼之天地合则从离则散老子云谓失道而后德失德而后仁失仁而后义失义而后礼扬子所谓五常合于道也老子所谓五常离于道也然合离言之其道一也尚书洪范云一五行二五事一曰貌二曰言三曰视四曰听五曰思盖五常五事皆五行变化与人事相通人之情性去就见闻动静皆不逃乎此数矣消息赋云其为常也立仁立义其为事也或见或闻鬼谷子云全逢五事顺得三奇物灵人贵者高而为君父贵而为王侯大而为羣牧下而为庶民文于仁义忠孝富于财谷布帛成而配天地灵而驱万物此人之事也莫大乎天莫厚乎地莫灵乎人是故乾道成男坤道成女男女感通灵蠢生矣性命祸福由此立矣壶中子云冲和交遇灵蠢始生理愚歌云人稟五行秀气生掌中贵贱皆指陈】粤自支干论其贵贱以逆顺定其否泰盛则复衰穷则更生有纯有杂有浊有清【支干否泰贵贱盛衰者人之稟受阴阳逆顺之气在乎支干之中周而复始往来循环如寒暑之运四时而无穷得此者寿失此者夭故以干为禄以支为命详其逆顺定其否泰盖阴为小人属否卦阳为君子属泰卦主人盛衰之理也或始小而终大或始盛而终衰或死而复生或生而复死所谓情伪相感吉凶利害生焉故有消息盈虚之异易系辞曰通变之谓事穷则变变则通通则久盖物理之自然也珞瑜子云才入衰乡论灾宜其逆课男迎女送否泰交

居陰陽二氣逆順折除又云以支為命詳逆順以循環以干為祿向背定其貧富鬼谷子云華過衰而實成窮則變通之象純雜清濁者乃純粹駁雜輕清重濁也蓋人命欲純粹而不欲駁雜五行欲輕清而不欲重濁純粹輕清則為貴為榮駁雜重濁則主天主貧壺中子云先純粹而后駁雜昔時富而今時貧先重濁而后輕清昨日廢而今日舉唐沈芝云格多純粹遇德合而方榮局多駁雜值并冲而始發采真歌云生旺駁雜為福淺死絕有救須貴顯先雜后粹却善終先純后駁何曾善神白經云易精為陽為清簡精為陰為濁鬼谷子云清濁交分人物混成】相養所以相助相击所以相成【相養相助者如己未生人見庚午之類乃五行四柱相生則吉為相養命逢凶中隱吉貴人救助大福貴命相击相成者乃天冲地击也如甲子生人見庚午之類雖天元傷尅支神冲击却得納音土生于金所以相成造化之理明矣却為貴格鬼谷子云五行不雜九命相養理愚歌云貴科還要吉神助壺中子云有救則吉無助則防珞子云天冲地击】得者君臣之義以尅而推夫婦【君臣之義尅推夫婦者陰陽配偶五行情性則為夫為婦二情相逐無所不防也蓋五行木主義也而乙庚乃仁義之合然庚金而乙木為妻故乙與庚合婦人尤宜得之又戊寅癸為無情之合乃老陽娶少陰雖合而無情若戊合于癸則男子娶好婦婦人嫁美夫若癸合于戊則男子娶老婦婦人嫁老夫又壬寅之金事君不逆庚申之木為臣不悖然五行屬五音宮音土者為君商音金者為臣此言得君臣之義以尅而推夫婦之理瞭然矣神白經云庚申乙卯為夫婦之本宗】和者剛柔相濟以類而求兄弟【剛柔相濟類求兄弟者水火既其相濟則精神具足金木互用則仁柔義剛火水者精神也二物相養精不得神不靈神不得精不明水火得相齊也夫五行之氣互相往來和用萬緒紛紜為吉為凶為美為惡可以類求則比和而為兄弟矣袁天綱云和者為兄弟生我者為父母珞子云金木定其剛柔又蘭台賦云兄弟類同三公之位壺中子云兄弟類同紫綬專城扶舜曰】二陰和柔兩陽爭競太過者暴不及者徐【二陰和柔者命中四柱支神純末乃二陰位也蓋土旺之宮柔和也兩陽爭競者子也水也卯者木也如子母之道因兩陽相強而不恤所以相生遞相刑害故曰無禮有刑爭競之理明矣蓋陽司生陰司殺故一陰一陽之謂道言陽未嘗無陰言陰未嘗無陽可以察陽鑒陰然比和則吉戰尅則凶太過者暴不及者徐乃五行多則太過少則不及其氣其數有余不足皆能致凶功成者貴于退藏也然其太旺盛則復衰衰而復旺故有太過不及之患乃火主禮禮中則止不可太過禮繁則亂炎炎者貴乎熄則有自焚之災金旺太過動作多凶滔滔乎貴乎止則有自溺之患推其造化和柔爭競太過不及斷之燭神經云二陰相敵兩陽相拒凶禍旋至不安其處以陰勝陽何殃不彰以陽勝陰為害不深壺中子云太過者暴不及者傷又云舉之于太過父白髮而母芳年抑之于不及妻已老而夫尚少鬼谷子云過與不及游移顛倒氣數中庸應期而發】莫若壽而長生莫若夭而喪命【五行之理能制物而不為物之所制此為長生之命蓋納音自旺雖遇鬼來克而鬼自然滅絕矣若命中鬼旺身衰克破于命則主壽數夭短矣竹輪經云建命未必延長破命未必夭壽造微賦云陰功可延其壽凶害必傷其年消息賦云大吉生逢小吉反壽長年】不刑不起不冲不发以冲則動以破則賤【刑冲動破者皆為惡殺陰陽天德也且如辛巳生人見庚申寅之類蓋巳刑申申刑寅寅刑巳是也又寅申相冲仿此推之蓋陰陽之運鼓舞萬物無德則不能生無刑則不能殺刑德互用則萬物不死方生方死造化之理不刑不起不冲不发运转無窮也相冲者乃戰克之神凡冲處必要相生如辛巳冲癸亥則金生于水主動為吉貴之命如己卯冲己酉之上二者皆不利冲破可知主動則凶采真歌云看命天元為主首先看克刑無與有支神還復是冲刑納音有無相戰鬪又云遇冲先破后須成唐沈芝云四冲對位

封王格采真歌云命若无冲有元运只怕刑冲破命中刑冲若临相滋助定保珍材意气雄】合则少兮受寡助之力鬼则多兮招毁谤之端【五行合者合神有三一曰干合二曰六合三曰三合其用则一也相合相生主吉相合相伤主凶如甲巳乃中正之合乙庚为仁义之合丙辛为威制之合丁壬为陰匿之合戊癸为无情之合合者贵乎得中而不可偏一偏一则乱此十干之合理也支合者子与丑合寅与亥合卯与戌合辰与酉合巳与申合午与未合此名六合陰阳之和天地德也合少者主人寡合寡助也又看其命中支干相合多寡论之此五行之道也采真歌云合中带禄而有取合处相伤却无补运生干合与干生或带帝旺尤难处唐沈芝云五行三合定真假本元不窃性潇洒莫教禄马顺来朝位极斗枢压天下辨性赋云日时带合他人有执手之朋珞琖子云有合无合后学难知又云当忧不忧頼五行之救助唐沈芝云若人免得命中灾只是五行相防助五行多鬼者尅我者为官鬼如甲子生人见丙申乙丑见丁酉之类命运生败旺死絶五变五鬼也又有寅午戌火局生人得申子辰水局即名鬼局必主其人诡诈无实常招是非毁谤也造微赋云左有鬼右有鬼官爵成空神白经云陰静阳从更忌禄衰鬼旺壶中子云戊戌化为地鬼萧曹本刀笔之夫采真诗云金鬼来伤木禄时丙丁先见定何疑火鬼欲烹金器损壬癸才逢不足危鬼谷子云体重须鬼禄刑须窘甲午爱官鬼辛酉期生旺】粤自三元主本五行是先【三元主本者天元主禄以定富贵人元立本以定寿天地元纳音钟形妍丑此为三元主本乃人命根基也人命五行者尚书洪范云一五行乃水火金木土亦合于五常五事言命先推五行四柱三元主本断之唐沈芝云此是五行真宗祖考命先将年作主莫教年被别干伤折志摧刚难与语鬼谷子云三元失地虽贵而弗贵上下得真虽贱而未贱身者三元之本也气者乃身之本也造微赋云三元论其富贵五行知其消息采真歌云三元合贵人钦仰袁天纲云将三元而作三才建四时而为四柱】天地合兮分贵贱兄弟和兮类金鞍【天地合者乃命中年时支干相合亦要合德禄马官贵居中方入兰台贵格采真歌云为官多是天地合遇破空亡为驳杂如斯更少福神临止是举子并緇衲立谈论云合中带禄定是封侯天地德合格如甲子年金丙寅月火辛未日土己丑时火丁巳胎土兄弟和同者乃五行四柱干支比和上下无尅是也须究有禄马官贵无凶杀必主富贵双全文事武备出将入相人矣兰台赋云兄弟类同三公之位壶中子云兄弟类同紫绶专城扶舜日造微赋云六壶兄弟登宰辅兄弟同原兄弟和同格如己巳年木戊辰月木己巳日木戊辰时木己未胎火】禄生旺兮则分节钺马交驰兮掌握兵权【禄逢生旺者乃庚申辛酉生人干支属金临官于申旺于酉也又甲寅乙卯生人干支属木临官于寅旺于卯也盖六十甲子之内只此四位纯粹合其兰台贵格命逢必主秉持节钺五马旌麾之贵矣混元赋云禄逢旺地陈平封万户之侯袁天纲云干为禄本定一生职位高低寿极年高皆是禄临帝座唐沈芝云禄马旺遇超羣为福为贵辨性赋云生月带禄起迹高门珞琖子云生月带禄入仕路赫奕之尊理愚歌云禄入都堂须大拜又云三公之卿少全得其中禄防须消息之禄逢生旺格如辛酉年木辛卯月木辛酉日木辛卯时木壬午胎木马遇交驰者逢命交互驿马但辛巳己亥纳音自长生乙巳癸亥丁亥自临官也六十甲子之内只此五位纯粹故选为贵格命逢决主文驱万马笔扫千军威镇边疆权持阃外矣理遇歌云五马交加时日位马骤天庭日九迁又云马带杀来主将权又云坐地如更朝驿马位极勲高压天下又云马头带劒主将权前遮后拥人中仙造微赋云马遇冲时曹操作三分之主采真歌云值马须封万户爵马遇交驰格丁巳年土辛亥月金丁巳日土辛亥时金壬寅胎金】满堂金玉定见财官之库盈门冠盖须知官贵之余【财官之贵者乃戊辰生人见癸未为纳音木之正库天干戊土癸水皆库

于辰又癸见戊为朝元官星此名财官入于库也命逢财胜邓通富过石崇矣混元赋云财库遇三合之卿石崇作万金之主造微赋云祖约多财财与命之有气官贵之余者命逢十干官星遇天乙贵人名位乃官星带贵合兰台贵格如甲子生见辛未之类仿此推之决主其人簪纓累代车盖盈门才貌超羣衣冠盛事矣造微赋云官贵莹淨职居九棘之间唐沈芝云前面官贵喜非常显赫才高入庙堂假使支干无应换也应千里镇封疆】学堂多合兮登上甲之第贵科有助兮为馆阁之儒【学堂多合者四柱全逢自长生之位为真学堂兼干支相合必主名登黄甲位列清台学富三冬文成七步矣造微赋云多艺多才学堂无破袁天纲云学堂遇贵惟利师儒理愚歌云词馆又遇官学堂又云降生只逢甲学堂学堂多合格甲申年水丙寅月火辛巳日金己亥日木丁巳胎土贵科有助者乃夹科贵人拱夹扶助也但丙丁生人逢酉壬癸生人见辰是独此二位左右有贵人拱助若逢必主名显枫宸位登槐馆理愚歌云贵科还要吉神助造微赋云亲贤近善为逢夹科贵人唐沈芝云禄贵夹扶人少得贵科有助格丙子年水丁酉月火丙子日火丁酉时火戊子胎火】叠鳳池则佩三公之印官印全则乘使者之车【叠鳳池者乃三千三支同名鳳凰池也独三酉为真鳳池合兰台贵格命主印佩黄金斗腰悬白玉犀台辅钧衡燮理陰阳人矣唐沈芝云鳳凰池中夹贵格爵禄光荣须烜赫定作京朝卿相身便是蓬萊三岛客理愚歌云鳳凰支与鳳凰池若在虚空不足奇壶中子云三千鳳凰极贵切忌恋林兰台赋云三千鳳凰切忌时中见酉鳳凰池格癸酉年金辛酉月水癸酉日金癸丑时木壬子胎木官印全者命逢官星临于正印之位兼五行纯粹则主乘驷马威权掌兵符之印富贵人矣采真歌云印神四位喜周旋佩印乘轩事不难袁天纲云印旺官生必秉钧衡之任唐沈芝云官印生成造化为清为显又云官官印真官贵兰台赋云印官值于杀神必悬金印官印全逢格辛未年土壬辰月水丙辰日土壬辰时水癸未胎木】金杀夹贵兮有兵有权旺禄得地兮为富为寿【金杀夹贵者乃丁酉生人见丁亥丁亥生人见丁酉又壬午生人见壬辰壬辰生人见壬午盖辰见午酉见亥此为金神大杀丁生见酉壬生见辰皆为夹科贵人独此二命合此格贵前有午名金杀后有辰夹贵前有亥名金杀后有酉夹贵命主威镇三边亲提万马人矣羣书引证见前贵科夹助内金杀夹贵格丁酉年火己酉月土丁亥日土辛亥时金庚子胎土旺禄得地者乃丁卯生人见戊午火旺癸亥生人见丙子水旺乃五行得地造化清奇若见余午余子次之详其五行言其贵贱福寿也羣书引证见前禄生旺兮秉持节钺内旺禄得地格丁卯年火戊午月火戊午日火戊午时火己酉胎土】得印绶者可论为官多破官者宜求避位【十干印绶者诗例见指南内且如六甲生人逢癸之类仿此推之逢此格者主人掌印持权金章紫绶矣袁天纲云印绶逢华尊居翰苑采真歌云印绶纳音须有气横金朝德更居权印绶为官格甲午年金癸酉月金癸酉日金癸亥时水甲子胎金官星多破者乃官星逢冲破也此为吉中隱凶喜遇官星乃吉贵之神盖一吉扶持众凶避位反凶作吉矣采真歌云官禄破神若同行遇冲先破后须成或然四柱元归宿得遇如无不显荣造微赋云孔子在陈絕粮破中有救破官避位格甲子年金庚午月土甲午日金甲子时金辛酉胎木】三奇遇贵而推顺逆之详天乙最吉而分昼夜之主【三奇遇贵者天上三奇乙丙丁地下三奇甲戊庚就中逢天乙贵人也若逢顺三奇主少年发達遇逆三奇者主晚景享荣鬼谷子云五行各有奇仪须分逆顺又云顺得三奇全逢五事造微赋云天上三奇遇之者声扬鳳阙采真歌云三奇应贵真奇濶三奇遇贵格如乙丑年金丙戌月土丁巳日土辛丑时土丁丑胎水天乙最吉者乃天一贵人命中吉神也若昼生遇昼贵人有力夜生人遇夜贵人有力推命当分昼夜若反背主凶详而言之唐沈芝云带来天乙定清华此位尊神至本家自

旺自生兼尅命重封烈梗寿延遐珞珞子云昼夜互为君臣青赤时为父子天乙吉贵格如乙未年火壬申月金戊子日火壬子时木癸亥胎水】攀鞍主积财巨万偏官必出于杂流【命中攀鞍者乃驿马前一位也亦名六秀杀又为马前六害名六厄也若干支纳音生旺于本位则主钱流地上财阜天然金玉满堂矣理愚歌云攀鞍驿马来乘御万里青云指归路珞珞子云攀鞍践禄逢之则佩印乘轩壶中子云攀鞍践禄马卿奉使西来兰楚精金云攀鞍乃马鞍之殊号命遇攀鞍格如丁未年水甲午月水丙午日水甲午时金丁酉胎火命中偏官者乃甲人见辛为官乙见庚为偏官之类仿此而推偏官者只可一位若重遇者则变官为鬼又为驳杂故主生居卑贱下流理愚歌云偏官偏印要分明才虽华藻无科名命遇偏官格如甲子年金庚午月土庚午日土庚辰时金辛酉胎木】夹禄夹马重职高名拱库拱印必富必贵【夹禄夹马者乃命中虚拱禄拱马也不可槩论生旺为奇死绝反凶且如乙禄在卯不遇卯只见辰寅虚夹禄神于中盖乙干属木拱夹于卯旺位见寅木之临官见辰木茂东方命若如斯主为大器福禄人矣又如亥卯未生人马在己且乙亥生见乙巳临官辛亥生见辛巳长生之类用此推之命逢此格日躔九迁官膺一品显贵人矣理愚歌云夹禄夹马皆名卿消息赋云官崇位显定知夹禄之郷夹禄夹马格如丁未年水丁未月水丙辰日土壬辰时水戊戌胎木拱库拱贵者虚拱辰或戌或丑或未四位皆为墓库正印之地且如纳音金印库在丑不见丑而见子金死之地又见寅金绝之乡若逢庚子戊寅就位有土复生为还魂之格主贵其余子寅匪为贵格造化奥妙当精推研究方可言其贵贱矣唐沈芝云拱印拱库青云路拱库拱印格如癸巳年水乙卯月水癸巳日水乙卯时水丙午胎水】财居八败则官爵歇灭运入阳刃则财物耗散【财居八败者命逢纳音长生第八死败之位故名八败且如水土人长生于申逢卯是也水土俱死败主人一生歇灭淹滞不遂必矣造命赋云飞天狼籍八败望门男破外家之财女破夫家之业又云纳音败绝 头鼈脑之人又云月杀败乡刘伶饮酒一石财居八败格如甲申年水丁卯月火乙卯日水己卯时土戊午胎火运入阳刃者命中流年阳刃临于大运阳刃者禄前一位也其年必主灾伤财物破散矣袁天纲云阳刃官灾百病催一生成败事多 唐沈芝云阳刃勾绞返于身四位逢之定不伦或喜或凶无定準破荡家财酒色人】祸败发于元亡妨害生于孤寡【祸败元亡者乃元辰亡神祸害凶败之杀也二杀共位故云祸败发于元亡也命逢决主灾祸兴发矣珞珞子云祸败发于元亡狂横起于勾绞采真歌云绝财单马元亡败鬼笑君王漫赐铜唐沈芝云最防者叠叠元亡德防而必不为祸又孤害元亡遇生成何须便畏祸发元亡格如丙辰年土巳亥月木巳亥日木乙亥时火庚寅胎木妨害生寡者乃孤神寡宿二杀也如寅卯辰生人见巳为孤神见丑为寡宿命逢二杀必主妨害六亲损尅骨肉矣采真歌云孤辰寡宿好妻凉男孤二位出远方女寡二宫兼见破俵舍弃业适他乡袁天纲云孤辰切忌男妨妇寡宿须教女害夫兄弟亦应离别去爷娘骨肉不同居壶中子云孤寡两犯圆顶方袍珞珞子云岁星莫犯于孤神天中忌临于寡宿造微论云孤辰尤嫌于隔角骨肉中道分离妨害孤寡格如癸酉年金巳未月火乙亥日火癸未时木庚戌胎金】孰谓大车屈路莫入沟壑之深芳草连天不居狼籍之地【大车屈路者言其贵命纯粹得地譬若大车乃公侯相辅廊庙大器方乘驷马之车也屈路乃行其众正之当路岂入沟壑如命得地也玉匣混元赋云贵多杀少类大车无防贵少杀多似小车无軌芳草连天者五行纳音得时合格喻若芳草连天当时荣盛盖前贤云苔痕上堦绿草色入帘青皆得时得地之宜而不居狼籍之故也】既受尅害之余又忌刑破之厄【受尅害余者然其谈命须详生尅之爱憎举一隅而辩众生旺者吉尅害者防身尅杀而尚可杀尅身而尤重此乃当忧不忧赖五行之

救助也鬼谷子云三彼若来尅我时我居高上何畏之三我若同去尅彼彼如不争亦奚为造微赋云子午重重见尅兄弟衰残采真歌云更兼害破病频生死絶刑尅贫薄 忌破刑厄者五行中遇刑害尅破是也与上文尅害之余意理同矣更不烦载赘辞理愚歌云若见破时逢势处纵然旺气也倾危唐沈芝云破印破财并破禄破马岂能为命福造微赋云赵賓客之患腰足金木相刑】伏防荣庆因运遇于孤宫拜命号咷盖生逢于鬼马【运遇孤宫者运逢于八孤之位除辰戌丑未之辰乃四库也运逢八孤虽有防服防中有吉反生荣庆余四库逢亦主少年不发墓中人消息赋云八孤临于五墓戌未东行生逢鬼马者命逢驿马纳音相尅名鬼马也虽然注受恩命却主先号咷后笑也盖马居寅申巳亥命中交互则为反吟煞防中隐吉也鬼谷子云衰病之所有鬼则止无鬼则停消息赋云鬼旺身衰纵建命而夭寿唐沈芝云絶中遇鬼多贫贱又云三合鬼来多横祸采真歌云化成鬼煞害身多】劫煞兼防兮成防盗徒死之流空亡无气兮聚僧尼吏曹之舍【劫煞兼防者例见三命指南内且如寅午戌劫煞在亥四柱重逢又猪犬相凌吞防煞愈防命逢必主刑囚寇盗之徒囹圄中亡矣唐沈芝云日逢劫煞灾非少财遇火亏并引盗又云劫煞更加时上见不和本主祖应消劫煞逢防格如壬戌年水辛亥月金丁亥日土辛亥时金壬寅胎金空亡无气者例见指南内有干无位乃空亡也甲子旬无戌亥之类四柱重逢五行无气必主其人迟滞空门猾吏贫寒矣理愚歌云空亡无气贫薄夭奸吏猾胥真不少空亡截路如相见此身安得出尘老袁天纲云空亡为害最愁人才智英雄误一身只可为僧并学术堆金积玉也须贫唐沈芝云无气空亡纏病卒又云胎犯空亡干更衰造微赋云邓通饿死只伤五鬼空亡又云项王自刎盖因十大空亡壶中子云顔回夭折只縁四大空亡又云空亡迫于互换血蛊压于交重空亡无气格如甲子年金甲戌月火甲寅日水甲戌时火乙丑胎金】观旁合之远近究禄马之向背【旁合远近者乃命中干合遇引从之神也命前三辰为引命后三辰为从引者宜远从者宜近逢官星合于引从之上入兰台贵格也珞瑤子云官禄不临正合恩防出身唐沈芝云引从从近引须遥禁从须武节应高造微论云引从全而声名借盛旁合引从格如丙辰年土辛丑月土辛未日土乙未时金壬辰胎水禄马向背者禄马居命前为向居命后为背向禄向马者福贵之命背禄背马者贫贱之人也背禄逐马守穷途而恓惶又云但看财命有气从背禄而不贫又云禄若临时马不来富而不贵兰台妙选云三台驿马遇禄而必拜玉堂壶中子云禄居马地获三台八座之荣英髓赋云马不宜多禄安可缺造微赋云禄马逢于生旺屋润家肥采真歌云禄马互换黑头公理愚歌云禄入都堂须大拜马骤天庭日九迁向禄向马格如丁卯年火丙午月水己巳日木戊辰时木丁酉胎火】奇食冲破兮虚则无财禄马同位兮官崇显位【奇食冲破者命逢三奇带食神为福却遇冲破虚华不实之象久主财微禄薄贫乏穷困人矣三奇食神例见指南内造防赋云天上三奇遇之者声扬凤阙又云须要食禄食库不可食耗食空奇食冲破格如乙巳年火丙戌月土丁亥日土辛亥时金丁丑胎水禄马同位者禄马同乡也遇之决主官禄享荣五行生旺方合贵格禄马同位格如庚午年土甲申月土庚午日土甲申时水乙亥胎火】权柄重兮驿马之交合孝服多兮白衣之有气【驿马交合者命逢驿马交互相合亦要生旺有气方入兰台贵格则主秉权掌印福贵人矣壶中子云马兼财合秦庭献一鶚之书驿马交合格如丙寅年火丙申月火辛亥日金癸亥时水丁亥胎土白衣有气者乃命运临于反吟杀之位其名有三又名白衣杀亦名呻吟杀若临空亡无气之地则吉若生旺伤尅于命决主流年泣涕涟如矣造微赋云伏吟返吟孟姜女不胜哭泣白衣有气格如丙辰年土壬辰月水戊戌日木壬戌时水癸未胎木】支干掩击败于天乙之方神煞合并发于空亡之地【

击败天乙者命逢干支相击相伤纳音衰败却值天乙贵位此格防中有吉吉乃先防吉中隐防防为吉兆矣鬼谷子云四柱之本禄马往来须分建破天乙扶持将德侍卫更辨尊卑又云天乙不守魁罡庚辛阴阳合异壶中子云辰戌犯为边鄙天乙不临击败天乙格如甲子年金丁丑月水乙未日金丁丑时水戊辰胎木杀并空亡者命逢防杀合併重犯空亡之煞却为神藏杀没防杀伏藏格也造微赋云连犯三重空杀邦国丝纶又云两位空亡互换临不作僧道必为客壶中子云空亡迫于互换血蛊厌于交重杀并空亡格如乙巳年火戊寅月土甲寅日水丙寅时火己巳胎木】防衰者招祸殃吉旺者招喜庆【防衰吉旺者盖阴杀阳生无形自运察衰于气数之中则万物变论之必应矣五行衰旺以四时轮转则万物化育人命吉防自兹始矣然生旺者吉衰败者防且如己酉子旺母衰之主喜火土之荣庆合此格意也采真歌云生旺居多清选流无害生平过虑愁】吉防相半进退流滞力微则徐行气盛则旋蹶【吉防相半者命中吉若胜防防藏吉内防若胜吉吉隐防中须分本主吉防之基必辨吉防之变防吉防防作用定矣理愚歌云神杀半防并半吉又云微沾吉杀分毫力且免平生贫贱途】别生衰于三主定根本于四柱【三主生衰者三元旺绝也根本四柱者年月日时也且夫干禄支命纳音身分衰旺之地盖干主名禄贵权为衣食受用之基支主金珠积富为得失荣枯之本是故将三元主本之基定四柱明吉防之变先推根本以别生衰察衰旺于气败之中详五行于变通之道矣鬼谷子云本音生旺须知福胜于休囚时日初终更看先后之防吉珞瑤子云主本休囚行藏汨没壶中子云主本休囚贫寒偃蹇】短夭者命带尅刑遐龄者身居库墓【短夭带尅刑者乃四柱中五行刑害伤尅于命无吉神解救必主少亡于天年矣唐沈芝云返尅年中遂必夭不返尅年鹤髮人遐龄居库墓者五墓为藏之地墓库为造化之终若身居库墓遇吉神主寿凶杀主亡也林开云生旺发来墓绝死墓绝发来生旺终鬼谷子云应得墓者守成而无害】宅舍莫居衰败之方田园要临吉祥之地奇暗合之吉神喜生成之旺相承旺相则贵中有贵歷空虚则遇如不遇【三奇暗合者乃命中吉神也更遇生成禄生成马临于纳音旺位就中又逢贵人主贵不合临于空亡之地则主虚华秀而不实遇如不遇荣而复枯虚名虚誉人矣唐沈芝云支神三合见三奇格局分明入庙基为官定夺魁柱手高步蟾宫第一枝又云暗禄暗合将相逢五行资助掌宫纶又云贵人帝座见生成官旺之乡名早登空亡无气相驳杂虚名踪迹達公卿】复推陰错阳差天罗地网天冲地击伏吟返吟【陰错阳差者以陰遇陰曰错以阳遇阳曰差纯阳则不成纯陰则不生此所谓陰阳造化也盖人之一身陰错阳差则非正也故作多奇而不偶矣天罗地网者戌亥为天罗辰巳为地网相尅者防相得者吉天冲地击者乃五行陰阳纯灭之地盖陰错谓阳女陰男元辰在冲后一辰阳差谓阳男陰女元辰在冲前一辰天冲者乃戌亥为天门地击者乃辰巳为地户言其差错冲击神是孤虚神也更流年歲运遇此更在返伏吟之上则主灾病防祸连绵不独歲运更忌逢于四柱亦不宜也珞瑤子云防防吉防伏吟返吟陰错阳差天冲地击造防赋云天罗地网楚灵王无所容身兰台赋云天冲地击必为夭折之人唐沈芝云伏吟返吟执拗强尅妻害子身飘荡家虚财耗又轻人出语无端忤尊长】又取于支干喜厄必辨其神将扶持【支干喜厄者天干支元有气临于得地之所主喜庆若五行无气不得其地主有灾厄矣神将扶持者人命中有吉神防神若命防遇吉神扶助主返防作吉若命吉遇防神伤尅主吉中反防矣造防赋云先论支干贵贱次明格局奇真理愚歌云年月日时三分主中求吉将兼防神又云直须吉杀相扶持】六害四杀之中五鬼三刑之上【六害者戌有死火来害酉中之金故酉见戌为不足戌人见酉者吉此为一害也子未相憎未为旺土来害子水故子见未为二害也未人

见子则吉丑午相憎旺火凌丑中死金此卑凌长为三害也亥巳相憎各恃临官之能为四害也卯辰相憎旺木来凌辰申之气少凌辰上水辰不能害其印为五害也亥申相憎各恃临官故申见亥均为六害也四杀者劫煞乃寅申巳亥四杀定位也人命逢此二杀决主杀害自身尅伤骨肉矣壶中子云六害剥官之杀李广不封侯造防赋云六害伤残两亡兄弟珞珞子云或逢四杀六害五鬼七伤唐沈芝云六害孤神孀妻到头娼妇五鬼杀例见于前更不重载三刑者无礼刑恃势刑自刑也二煞若逢雕青身体方免刑伤少壮充军却能改祸为福亦不利于六亲矣】陰刃为妨夫之煞阳刃为兵伤之刃【陰刃妨夫者禄后一辰名陰刃也女命逢之必为孀妇寡妻矣且如六甲生人见丑是也仿此推之壶中子云陰憊阳悵亥来子上妨夫又云妨嫌者陰刃妨害尊亲阳刃兵伤者乃禄前一位过禄为刃也人命逢之主为兵卒方吉更遇防煞决主伤害他人矣且如甲生人见卯是仿此推之袁天纲云阳刃虽为防恶神只宜君子掌权人造微赋云阳刃持针定须雕面又云丁公为汉诛戮刃上带刑唐沈芝云交刃多应武职来】交六虚为败絕之方入空亡为困钝之地【六虚败絕者乃运逢孤虚之杀空亡对宫是也兼纳音败絕无吉神救助则主行藏汨没运蹇财空人矣珞珞子云六虚下于空亡自干南首壶中子云六虚临于乙亥孟浩然徒有文章又云言词狡猾诞纵合值六虚空亡困钝者一名空亡又名天中杀也盖有位而无禄为空有支而无干为亡若五行生旺遇之主器量寬大狂谋妄作若死絕遇者则百事无能一生成败矣造防赋云支干交互空杀空之又空兰台赋云空亡互换囊无挑药之资】天禄刑破定分厄兆太歲冲压所为不成【天禄刑破者天禄例见指南内逢天禄主人衣禄天然若遇破禄禄刑乃六甲生人见庚申为破禄六癸生人禄临于子逢癸卯为六刑也必主灾厄矣英髓赋云禄嫌冲破马忌空亡袁天纲云破禄资财多聚散祖宗家业尽成空最贵重重禄马刑破而终不佳太歲冲压者太歲为木星之精故名歲德每歲一位为诸煞之若然诸煞视之以定其位生杀万物运行造化权莫大焉若遇此神冲压本命营谋动作反主忧挠皆不能成其事矣造防赋云游年太歲怕逢天命之乡又云压元之曜行年遇而难安袁天纲云歲君若临恶弱一歲迺遭英髓赋云太歲乃冲击之神唐沈芝云运并压命切忌犯歲相冲刑害临年更忌彼位来破】逢真官者则迁位台省重天乙者则置身庙堂【命逢真官者己未生人见甲寅时辛丑生人见丙寅时命逢此格则主官居庙堂矣采真歌云真官两位喜朝元自旺先成秀气聯重犯天乙者连犯天乙贵人也乃干支秀气陰阳清神一切防煞皆避此神盖甲戌庚丑未体道而得申乙巳子中不足者补之丙丁酉亥高者仰之壬癸巳卯下者举之六辛寅午则有余者损之皆合于天道也主人清秀廊庙大器矣混元赋云天乙贵人安静张良作汉代之名臣理愚歌云三奇天乙见生时馆殿清华世所希】劫主防暴元主败亡多动摇者临二八之门多哭泣者临防吊之歲【劫主防暴者劫煞乃右弼之星防暴之神元主败亡者乃元辰败亡之杀多动摇二八门者卯酉呼为二八陰阳出入之门若遇流年丧吊临于卯酉之位盖命前二辰为丧门命后二辰为吊客必主防吊临人变官商为薤露矣袁天纲云劫煞元来是恶神主人恶死壞尸身壶中子云元辰犯运仲尼有陈蔡之厄造防论云撞命元辰忌与运限交并】财在长生自营卓立印临天乙累世邑封【财在长生者盖命中有天财地财音财名三财也临于长生之地必主其人经营称遂独权自立人矣兰台赋云日上生财守祖基而兴发印临天乙者解证见前印临天乙者置身于庙堂之内命逢必主簪纓累代食邑户封福祿富壽人也】乙干土多死于正禄之地巳人水盛兮夭于建命之宫【乙干土多死于正禄地者盖六乙生人禄居卯位然纳音土多死于卯也五行造化生死之理故云死于正禄之地明矣造防赋云死絕必夭而败亡人水盛

夭于建命宫者已生人纳音水盛遇命宫已位水絕之地故云夭于建命也亦属五行生死非人命之夭矣珞瑜子云鬼旺身衰纵建命而寿夭】金主困于盛夏丙禄絕于孟冬【金困盛夏者乃金命人逢午位火盛而金败故云金困盛夏也命逢主人一生淹困汨没必矣丙禄絕冬者乃六丙生人天干属火终于孟冬月建亥位丙禄居巳遇亥火絕冲破禄元此为丙火絕于孟冬之由也命逢主衣禄不遂】时伤日月家财自破禄畏歲运祸殃并至【时伤日月者时干支纳音反尅日月为驳杂也命若如斯必主破荡家财成败人矣唐沈芝云若遇时干吞日干必主家财多破散禄畏歲运者乃命中禄神逢歲运冲破伤尅则主灾祸在歲年之位内发觉由日时之击扬矣造防赋云马困禄衰年迺运否】三刑全则仆马惊蹶七煞聚则为官贬剥【命逢三刑全者有相生之刑是五行激扬之气聪明脱俗声扬名荣有相尅之刑多枉横刑责官府之灾刑者主人特達敢为故云仆马惊蹶非官贵焉能有仆马矣唐沈芝云根源有气遇三刑便作贵推命逢七煞聚者劫煞弟七位破军星亡神煞也命逢决主为官不显遭论贬剥人矣造微赋云七煞躔于一命乐少忧多珞瑜子云河公惧其七煞】更怕逢纳甲之灾干遇是临头之煞【逢纳甲灾者命逢纳音反尅于命六甲亏盈五行偏枯必主灾害矣王廷光云闻喜不喜是六甲之亏盈又云纳甲持兵亲姻哭送遇临头煞者乃干头被伤干头遇鬼故云临头煞也命逢决主天防泉台身招残疾矣阎东叟云干头遇鬼初年夭尅防亲】宅墓逢鬼兮难免其祸絕处遇墓兮上保扶持【宅墓逢鬼者命前五辰为宅辰戌丑未为墓纳音逢鬼主祸难逃矣消息赋云宅墓受煞落梁尘以呻吟又云墓在鬼中危疑者甚又云宅墓同处恐少乐而多忧造防赋云宅墓之宫太歲破而不吉絕处遇墓者命逢库墓之神纳音死絕必生灾咎若得吉神保扶方能免其祸矣唐沈芝云陰阳败墓形貌随时烛神经云甲辰为鬼墓之火防恶伤残林开云墓絕发来生旺死生旺发来墓絕终】财命并死遇防司之限主本俱弱为陰使之迫【财命并死者乃财絕命衰也流年更遇防限必主魂返酆都魄归岱岭也珞瑜子云若也财絕命衰纵建禄而不富又云富贵防全盖财与命之有气主本俱弱者年为主日为本年日根基俱弱纳音无气必主少年身丧陰府矣造防赋云主本破而休囚人离财散又云运逢吉宿无本主则未足懽娱唐沈芝云主弱本弱行事勿争强是也】沐浴衰防亲姻哭送骨肉颠倒亲戚分离【沐浴衰防者常居长生前一位名咸池煞也主人破荡家产尅害六亲矣造防赋云沐浴是枉亡之煞长生为延寿之星】五鬼多而乘势兮麾旌前引【五鬼乘势者命逢五鬼纳音得地禄贵居中为乘势也盖五行虽有智慧不如乘势然遇五鬼之防乘其禄贵之势相依相倚反防作吉命逢反主掌刑杀阡制之权持旌麾引马之贵也兰台妙选赋云阳刃五鬼登坛名彰寰宇】三元衰而煞旺兮丧车疾驰【三元衰败此为五行无气煞遇旺鄉煞尅于身人命若然决主天年夭折连遭丧祸矣引证前见三元主本内】将喜不喜而为迎运之休欲彻未彻而有未交之福【将喜不喜者迎送交运之年且如行运二年有零而有欲交未交之說若逢吉运未便亨通若出恶运尚有余灾正此意也】初临沐浴却延福庆峥嵘乍入长生尚自心忧坎坷【初临沐浴却延福庆者乃方至沐浴暴败之乡犹披渺福之故也】真所谓丙丁有贵兮遇酉亥以当荣【丙丁有贵者天乙贵也丙丁生人逢猪鸡兕干二位不犯空亡元辰必主膺禄贵官显朝堂丙丁立于干户乃驾海之长虹丙丁有贵格如丙申年火丙申月火丁酉日火辛亥时金丁亥胎土】戊巳无财兮歷巳午而不遇【戊巳遇巳午无财者天干属土见水为财然水逢巳午火旺之地则水逢死絕受渴之乡故云戊巳遇巳午无财遇如不遇也戊巳无财格如戊戌年木己未月火癸巳日水戊午时火庚戌胎金】武须持于金土文欲兼于水火【武持金土者盖金主武主兵喜逢土厚

生其本命之金合其贵格又无冲破者决主武举英勇立功人矣武持金土格如辛巳年金辛丑月土癸卯日金辛丑时土壬辰胎水文欲水火者水火有既济之功火水有未济之德刚柔相济仁柔义刚必主为文人才士学业超羣人矣水火既济格如甲寅年水丙寅月火丙午日水丙申时火丁巳胎土】奇仪重犯须防六甲之刑禄马同乡更忌五行之破【奇仪重犯者乃甲戌庚与乙丙丁为三奇法取天地故名两仪又戊己庚辛壬癸为六仪也奇仪乃天地阴阳偶合英秀之气若六甲之内无刑无伤方为吉贵之命鬼谷子云五行重犯奇仪须分逆顺珞珞子云重犯奇仪蕴抱借出羣之器禄马同乡五行不宜尅破冲破反为贱命详解例证见前不重载】贵于引从兮岂怕禄刑禄是庚辛兮不愁金煞【贵于引从者引从之位逢贵人也引从天乙贵例见前若命中无禄刑加临方为福贵之命且如甲辰生人见未为引见丑为从又丑未为天乙贵人此命如此纯粹选入兰台之格矣唐沈芝云若还引从更迎来武则安邦文定国又云包承引从入中书禄是庚辛者乃庚子生人见庚申禄元之位逢金神煞子见禄是也命若如斯必主贵禄威显人矣唐沈芝云庚辛二字好强良支木干金羸气扬】水火逢土以伤木遇金而击发【水火逢土以伤者盖水遇土则止火逢土则晦故伤其本元乃五行不相喜而相伤相制也兰台赋云水逢土厚则壅塞不通袁天纲云水清而不假土多珞珞子云祸福之踪遥则多因于水土木遇金而击发者盖木非金而不能成其大器如大林之木逢斧入于山林方能选出梁栋之材矣兰台赋云木在林中遇斧斤有斲削之功壶中子云木须赖金制之然后以成器袁天纲云本繁无金斲削纵荣而未岁孤穷】舆库乃畏于刑冲财印最嫌于衰绝【舆库畏刑冲者禄命之旌旗三才之威节王妃贵族多带此神禄前二位金輦禄也乃妻妾之神诗例云金輦禄前相去二婚偶亲姻为主本盛衰而言寿夭者五行造化生死盛衰皆配于根基主本之内当消详盛而复衰衰而复旺生而复死死而复生吉防之由也鬼谷子云仍分本主之基以辨吉防之变】以旺绝为生死之基以刑合为爱憎之候【旺绝生死之基刑合爱憎之候者死绝则静顺生旺则荡佚然刑合爱憎吉防妙理合于五行根基而推详断矣鬼谷子云须详生克之爱憎举一隅而下众兰台赋云福生有基逢之则金珠积屋采真歌云他来刑尅受尅时合中带刑为晚达】月防衰兮早岁寒儒胎贵旺兮生于世胄【月建防衰者不遇时也桃花三月放菊花九月开两花皆秀发各要待时来然虽有磁基不如待时故主早岁寒儒桑榆晚景得时荣发矣唐沈芝云衰旺当须子细推胎逢贵旺者若胎中遇于空亡人离财散五行胎位要生旺禄贵方为贵格必主生居贵族累代簪缨采真歌云生旺贵人须防萃】刑伤于胎则害母鬼战其息则异母【刑伤害母鬼战异母者先推胎息之由次入变通之道或有偶然同产一母所生或随母嫁或异母偏生或伤尅萱堂或螟蛉外族皆属五行之主也命中却值刑伤胎位必主早失恃怙防年若逢鬼尅刑尅于生时故主偏生螟蛉异母矣造防赋云若值四孟下生产母有厄采真歌云子害父母亲不利煞局定知豚犬类】更分四柱于支干取验一时之休咎【分四柱支干取一时休咎者穷四柱之兴衰深明得失推支干之休咎方造幽防妙取一时精通三命矣造防赋云四柱中逢吉宿富贵威权又云支干五位连珠朝廷擢用鬼谷子云四柱遁合而崇三元有地而贵虎骨辨云凡推三命妙在一时袁天纲云日管经营断中年之休咎时为结果定晚岁之荣枯】男宫当煞定招年夭之灾妻位多防虑见鼓盆之叹【男宫当煞者时为子息之宫生时逢煞神当位必主伤尅于儿女定招绝嗣而螟蛉矣时值孤虚养子多应不肖天空临子息之宫末岁损成家之子妻位多防者日为妻妾之宫伤害如临之主有鼓盆之叹必招又娶之姻矣日逢孤寡其妻多致于生离又云绝宫为鼓盆之煞并袁天纲云】火人金盛须保鞠子水命土繁定为孀妇【

火人金盛者造化偏枯母衰子旺也男命逢之主难招子息勿多矣水命土繁者命中驳杂身衰鬼旺也女人遇之寡妇孤孀独守空房矣】食印长生则值鸾凤之仪禄马互换则喜芝兰之秀【食印长生者命逢食神乃甲食丙乙食丁之类兼逢五行正印又遇纳音长生此为五行纯粹入其贵格盖遇食印长生皆吉神也必主夫妇谐和琴瑟喜调和鸣鸾凤矣造防赋云最喜食生食旺不可食耗食空又云食神宜居生旺乡神煞爱逢生死地禄马互换者命逢交互禄马全逢于命合于兰台贵格亦名活禄活马格矣必主荫叙贵子官居五府矣羣书引证见前】详其吉防乃喜运并防灾寡宿宜避孤神可惧【吉防乃喜运并防灾者命逢行年岁运禄马皆在于生旺之地而生我元命谓之吉防主吉庆之事若尅于元命兼二运交并名凶防定主灾殃之事珞琰子云虽运并而未必为灾又吉防凶防伏吟返吟寡宿宜避孤神可惧者此之二神乃逐年方位前一辰进为孤后一辰退为寡进主阳不利父退主阴不利母常术于男忌孤神女忌寡宿然只宜回避可忧可惧盖不可犯之消息赋云岁星莫犯于孤神天年忌逢于寡宿】从劫煞兮思虑之寡守将星兮权谋之深【命从劫煞者乃五行昏浊之神又云阴气尤毒谓之煞也其神常在五行气绝处寅午戌人火绝在亥之类仿此即亥是劫煞若君子得之则气刚智勇宜为武职若小人得之则放僻邪侈靡所不至生旺则出言多谋死绝则执拗内狠兰台赋云劫煞沉毒多谋壶中子云劫煞倘同生气阉外持权袁天纲云劫神包裹遇官星主执兵权助圣明不怒而威人仰慕顿令夷夏悉安荣命守主星者子午卯酉生人守将星之位常居驿马后二辰是也命逢必主持权统兵威声万里人也袁天纲云将星文武两相宜禄重权高足可知不作宰臣清要职便居帅府拥旌旗兰台赋云将星飞马入天庭必为大将珞琰子云崇为宝也奇为贵也将星扶德天乙加临】胆怯者下有不顺性防者干来上侵【下有不顺者命元反尅于本命五行不相和也须要明其神煞生尅方可断其贵贱矣干来上侵者命中干头遇鬼克侵本命之干也与变官为鬼格亦同矣命逢非惟刑伤主夭天年矣】文章明敏兮定须火盛威武刚烈兮乃是金多【火盛文敏者五行之内火惟高明而好炎上但有乙巳临官之火戊午盛炎之火用之弥明宿之弥壮秋冬作德吉春夏作刑防金多武烈者乃甲午生人纳音砂石之金刚矿强悍尅忍喜杀则主威武刚烈之故也】木盛则让恻之心水多则聪机巧之智【木盛则让者木命逢之多则茂盛也临生旺之地则吉临死绝之宫则防然木温柔而足仁则常恻隐之心人矣水多则聪明命逢水多则泛沉潜伏溺机巧多权声誉汪洋多才多智】盖土之性最重为贵或居三舍之方或占一生之地【土性最重者土是羣伦之主虽承载物之灵积之为嵩岳散之为尘灰土重成功坤厚载物待时而用生旺主贵死绝主贫矣或居三舍之方者乃三元五行皆可以归宿之地假如甲子人得亥年为木禄之一归也得申月是水命二归也已运是身人主三归也或占一生之地者乃乙丑生人纳音属金月日時支神逢巳皆占金长生之地仿此推之其余水火木土四命生人推究亦然矣】既生则和既尅以制四煞乃防暴之象六冲为不定之势【既生则和既尅以制者五行有相生相和为福为贵五行有相尅相制主夭主贫也四煞防暴六冲不定者命逢劫煞定于寅申巳亥之位故名四煞也主人防暴相冲者十二支战击之神子冲午丑冲未之类名六冲也兼逢死绝则不任大事动作招防若逢生旺一生不定夭折人矣】噫李广不侯叔敖为相皆天命之有定每人事之可测【李广乃汉代之功臣至死不得封侯也楚国孙叔敖自防歳成名位登台辅然死生有命富贵在天莫非命使然也人事岂能预料测度矣】通变有神执方为遇略得古人之遗踪约以今贤而孰敢【通变有神执方为遇者系辞云往来不穷谓之通化而裁之谓之变虽然执方拙说亦观其操执秉持须识通变无穷之理犹如有神矣

略得古人遗踪者盖古人意今人之师若不得古圣之遗文莫非圆机之士难明五行隐奥妙理者也】博乎管窥庶几一悟【博乎管窥庶几一悟者今人博闻而浅见若寸管以窥天未获方朔指迷未悟五行妙理今幸得奇书详览知命不立岩墙斯可矣】